

文林郎 西華縣事朱

補志 流寓 仙釋 壽民 紀瑞 六寇

志必分類而見各因其事其人以載之此大綱細目所以詳也他省寓公世傳仙釋與方伎小道本無正志可入附識於此至正五行災祥累朝兵寇事不數見例得備載是以補志八編

流寓

金劉昉字仲宣中山人西華博學能詩嘗作睢陽八詠人爭傳之居邑之密時為州牧劉祁所重

西華縣志 卷之十 補

明萬宏祐字德園本江理遂歎服師事之福奔遂遨遊山水古貌先注所著有一園集

知名

洪清畫字心禪一字宗杜陵而逸所著有風韻絕類晉人天

意每自珍秘編為

石一作槎枒怪石索解無

葛梅月放歌
董指曰此吾村山
洪冷漁也歿後墓畢家
胡儼高其風立石墓

仙釋

葛仙翁吳人學于左慈得異術嘗過此冬月臥大雪中
渾汗如雨未幾去華入為之立祠相傳有葛仙翁遺
址

無任不知何許人自名曰無任時人亦呼為無任嘗居
壽聖寺瞑目獨坐旬日不食書其門曰來時不知何
處來去時不知何處云不復見

西華縣志

卷之十

補志

二

風道人不知其姓名但見其髮行步踉蹌其狀若風因
以呼之元至正間任景城寺逢人則指天畫地言天
下當亂有時倒臥泥濘中如醉群兒逐之大笑或大
哭有問禍福者言多可驗與之錢不受與之食或大
嚼數聲酣睡三日忽逝去時邑人有白楚來者過于
襄陽城中托教警任并記之即去之日也

文通慧姓張棄家祝髮師令掌厠盥盆忽有市鮮者沃
于盆文偶擊之仆地死文懼奔西華寺中久之為長
老每曰三十年前

法堂瞻目

觀文將射之文咲

...卒悟曰冤冤相報何時了劫劫相纏豈...
若與師與解釋如今立地往西天視之逝矣支...
索筆書偈而化

廣興記

邑之蕭洪村北關帝廟西南隅有椿一株枯死已十八
年萬歷八年三月初八日廟祝將伐之有羽士坐其
下止之曰勿伐勿伐此睡耳非死也手拊椿連呼速
醒者三又書呂公春三字于樹俄失所在眾大驚無
何發葉敷榮丹書筆跡宛然可辨

李岫雲善攝生術年九十面如童子行走如飛後不知

西華縣志

卷之十

補志

三

所終

邑東北夏亭集東嶽廟住持張三陽能以浮水愈疾一
方賴之嘗以其術治商水藩王疾王愈謝以金不受
囑王于朱仙鎮鑄銅神像三尊置之河順流而下數
百里徑至東嶽廟前張迎入供奉未幾張死月餘有
人自金頂來遇張于道裸首跣足手提一靴揖其人
曰吾不復還矣君歸至廟中見神座後有酒壺一具
錢八枚在壺急令沽酒者某姓持去言畢遂別其人
歸方知張歿已久與眾往觀果如其言壺內有錢聚
取之弗能出召沽酒者取之出為蓋

今廟內遺像猶存立碑紀其事

方伎

南齊殷倩善寫人面與真不別劉瓛妹齊鄱陽王妃王為齊明帝所誅妃追傷成疾瓛令倩畫王形像并圖王平生所寵姬共照鏡狀妃視畫唾之病亦除南史劉瓛傳

北齊殷英童善楷隸兼工畫

書小史

宋陳用志郟城人寓西華小窰鎮人呼為小窰陳天聖中授圖書儀候景祐初勅畫水龍圖且善畫番馬初學胡環而奇怪過之更工山水層巒疊嶂有千里之

西華縣志

卷之十

補志

四

勢求者日趨其門

明李鉉邑人善畫山水人物所畫鍾馗能驅邪祟懸于暗室畫中蝙蝠能繞簷飛萬歷時游燕邸時官中不寧莫能驅逐鉉名聞于帝帝召之畫鍾馗一軸懸于宮中邪祟不復為患帝悅賜以官不受歸隱而終

王遵範善畫山水遍寫邑中至今人爭寶之

王履祥字用拙善畫擅李龍眠黃子久倪雲林各派

每臨名畫真偽莫辨

府志

至多寧精于堪輿者龍說公尊衍于世

星字史辰

之博覽多識以易學世其傳專精理數闖賊之亂避
難睢州演易設卜以餬口踵門甚衆餽金帛者酌取
之以足用不多取也數日後告其家人曰睢城人數
萬何以問卜者皆無祿當今盜賊蜂起睢城其不免
乎挈家走河朔越三日賊果屠睢州而張氏一門卒
免于難迨中原底定歸老林泉躬耕養親融融無間
復出其所學教授子姪科第蟬聯絃誦不絕云

壽民

王奇珍居邑之大王庄年屆期頤步履如少年卒年
百三歲

西華縣志

卷之十 補志

五

縣民李士進妻邵氏一百三歲建坊

張可世居隨旺村年一百一歲

高其如居邑之東夏亭年一百歲其人尙存

暢舍美年九十九歲

紀瑞 五行附

朝康熙二十六年秋禾大稔三十七年麥秀兩岐大有
年四十五年大有年四十九年麥大稔五十二年大
有年 雍正四年穀秀兩岐六年大有年十二年大
有年 乾隆五年麥秀兩岐不爲災秋大稔

大清有年十二年大有年十五年大有年

芝一本光彩如人十八年麥大熟

五行

周莊王十四年秋大水毀禾稼 靈王十七年春大飢

漢惠帝五年夏大旱十月木華棗實 高后三年大水

漂沒民舍 文帝三年秋大旱十一年二月河決十

四年六月大雨雪 景帝三年六月大雨雪 武帝

元光四年四月隕霜殺草木元鼎二年三月大雪平

地深五尺 昭帝元始元年大雨自七月至十月隕

霜不殺草 宣帝建始元年夏霖雨壞官民舍

西華縣志

卷之十 補志

六

東漢明帝永元元年七月河溢漂沒官民舍 桓帝建

光元年七月地震壞民居 獻帝建安四年六月寒

風如冬人多凍死

三國魏明帝景初元年九月大水漂溺人物

隋文帝開皇十八年九月河決

唐太宗貞觀十四年九月河決 高宗神龍二年冬十

月至三年夏五月不雨民大飢 元宗開元元年蝗

食禾黍聲如風雨十四年大水毀民廬舍 文宗太

和二年野蚕生桑鄉民取以織絹三年二月至六月

不雨民大飢

宋太宗至道三年風雪殺桑 高宗紹興八年大雨雹
大小成龜形

元世祖至元二十七年十一月河決

明太祖洪武二十年二月河溢 孝宗二十七年大旱

民飢 武宗正德十四年大水漂沒人物 世宗嘉

靖十七年十八年大水相繼滄麥歲大飢人相食

穆宗隆慶三年六月大雨水溢 神宗萬曆十八年

三月三日黑風寅時自京來巳時至河南申時至南

京經過本邑晝晦行人落坑井二十一年夏五月大

水滄麥秋霖復傷禾稼縣城四隅積水如湖僻巷水

西華縣志

卷之十 補志

七

二三尺民間有網者出戶便可得魚冬大飢上發帑

三十萬遣使賑貸中州西華與焉二十二年二月久

雨沙河溢滄二麥殆盡人食草木邑里蕭條三十四

年蛇過自北而南三十九年火過每夜遠看遍地皆

燦近看則無凡十餘日始熄四十四年蝗食禾殆盡

墻壁皆蝗 懷宗崇禎五年六月大水不知來自何

方須臾之間深一丈鄉民爭趨高崗避之而高崗之

水又深于窪地城西一望五十里皆洪濤也十三年

赤黑風自北來凡三閱月大飢父子夫妻多相食城

東之門公然有鬻人肉者十四年冬十月風過猶暴

朝順治四年自夏徂秋霪雨害稼五年大雨水沒田
康熙六年夏旱蝗七年夏六月十七日薄暮天
地震二十四年六月至七月大雨河水溢決吳寧
奉文蠲賑二十七年秋積潦傷稼三十四年春旱秋
水溢禾不登三十五年夏飛蝗食稼知縣李培力捕
滅之四十二年夏大雨河水溢四十八年夏大雨黃
河決中牟至縣麥禾被淹五十年春旱六十年秋大
水 雍正元年春蝗秋七月黃河決水淹禾稼奉文
蠲賑二年春旱夏六雨傷麥三年夏秋霖雨害稼奉

文蠲賑八年夏霪雨河水溢傷稼

特蠲漕米有差十年夏霪雨秋水歉收 乾隆元年夏霪

雨秋禾薄奉文撫卹緩征二年夏大雨秋禾被淹蠲
賑有差四年夏大雨河溢壞稼蠲賑有差七年夏大
雨河溢禾稼被淹蠲賑有差八年春疫民飢

上聞遣使馳赴存恤十一春秋大雨壞稼蠲賑有差十二
年大雨如注秋禾被淹奉文蠲賑十四年大雨兼旬
河溢滄禾奉文蠲賑十七年夏微旱蝗蝻生甚熾本
府高督同邑令宋與儒學典史等用布疋撲打並捐
錢百餘千收買蝗孽滅之禾稼不傷

兵寇

南北朝魏孝明帝孝昌三年陳郡民劉獲鄭辨反於西華與梁譙州刺史湛僧智通魏以曹世表爲東南道行臺討之諸將以賊強不敢戰世表方病輿出呼統軍是雲寶謂之曰僧智敢深入者以獲辨爲內虛耳聞獲引兵迎僧智去此八十里今出其不意一戰可破獲獲破僧智自走矣乃選士馬付寶追擊獲等大破殺之僧智遁還

唐德宗貞元十五年吳少誠寇西華陳許大將孟元陽拒却之

明英宗正統十二年西華劉通與妖僧允天峰謀作亂天順甲申有石和尚者假稱石亨家屬通遣子聰與之舉事因稱王僞號曰漢撫寧伯朱永尙書白圭統兵破通擒之石和尚劉長子脫走復聚衆劫掠都指揮白玉追擊大破之擒通妻子 武宗正德七年劉六劉七趙風子流入中原寇西華城陷知縣李景教諭孔環典史楊紹龍死之 世宗嘉靖二十二年柘城賊師尙詔反寇掠西華殺擄男婦焚燒民房無算 毅宗崇禎十三年臨潁賊一條龍袁老山突入縣

燒焚掠無算正月鄉民劉子斤君舉反邑令劉白

賊狡甚名雖受撫搶掠益甚及官兵至賊去已久矣
十五年二月間賊李自成由汴梁入西華攻城連費
夜城陷知縣劉伯驥典史葉重華死之先是總兵左
良玉于兩月前統計萬眾向西華索糧沿門搜掠曰
吾爲救爾來也城破之日良玉安在是年榜役金高
據北柳城殺人如戲邑中房屋盡拆縣境五十里墳
墓無一免者

